



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD VISOKO  
GRADONAČELNIK**

Broj: 09/3-45-1-2455-4/26

Datum: 16.04.2026. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine" broj: 39/14, 59/22 i 50/24), Pravilnika o javnim nabavkama Grada Visoko broj: 01/1-02-179/24 od 31.01.2024. godine, Pravilnika o izmjenama i dopunama Pravilnika o javnim nabavkama Grada Visoko broj: 01/1-02-1481/25 od 29.08.2025. godine, otvorenog postupka javne nabavke za izgradnju rezervoara Prijeko V=2x50 m3 pokrenutog Odlukom o pokretanju postupka broj: 09/3-45-1-2455/26 od 04.03.2026. godine i objavljenog na Portalu javnih nabavki Obavještenjem o nabavci broj: 870-1-3-31-3-35/26 dana 05.03.2026. godine, na prijedlog komisije, gradonačelnik donosi:

**ODLUKU  
o izboru najpovoljnijeg ponuđača**

**I**

Komisija je konstatovala da su ponude ponuđača MIBRAL d.o.o. Sarajevo, GP „HELDOVAC“ d.o.o. Žepče i Konzorcij BETA-COMPANY d.o.o. Kakanj i NAB d.o.o. Kakanj dostavljene u skladu sa uslovima iz tenderske dokumentacije.

U skladu sa navedenim, provedenom e-aukcijom i kriterijem za dodjelu ugovora, najpovoljnijim ponuđačem proglašava se:

**GP „HELDOVAC“ d.o.o. Žepče**  
(sa cijenom ponude u iznosu od 152.999,99 KM bez PDV-a)

**II**

Izabrani ponuđač obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji.

**III**

Po sticanju uslova za zaključenje ugovora, Ugovorni organ će pozvati izabranog ponuđača radi zaključenja ugovora u skladu sa zahtjevima – uslovima Ugovornog organa navedenim u otvorenom postupku.

**IV**

Odluka stupa na snagu danom donošenja.

**Obrazloženje**

Grad Visoko je pokrenuo otvoreni postupak javne nabavke za izgradnju rezervoara Prijeko V=2x50 m3 Odlukom o pokretanju postupka broj: 09/3-45-1-2455/26 od 04.03.2026. godine. Postupak je objavljen na portalu javnih nabavki Obavještenjem o nabavci broj: 870-1-3-31-3-35/26 dana 05.03.2026. godine i u Službenom glasniku BiH broj: 20 od 13.03.2026. godine.

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



U skladu sa članom 13. Zakona o javnim nabavkama BiH („Službeni glasnik BiH” broj: 39/14, 59/22 i 50/24) i Pravilnikom o uspostavljanju komisije za javne nabavke („Službeni glasnik BiH”, broj: 103/14 i 49/23) Komisija je imenovana Rješenjem o imenovanju komisije broj: 09/3-45-1-2455-1/26 od 04.03.2026. godine, u sastavu:

- |                                 |  |
|---------------------------------|--|
| 1. Adna Smajić, predsjedavajuća | 1. Zilha Sirčo, zamjenik predsjedavajuće       |
| 2. Elma Ganić, član             | 2. Mirha Šehović, zamjenik člana               |
| 3. Emir Bukurević, član         | 3. Nahida Fejzić, zamjenik člana               |
| 4. Abas Avdagić, sekretar       | 4. Andrea Mitrović Karačić, zamjenik sekretara |

Zbog opravdanog poslovnog odsustva predsjedavajuće i članova komisije otvaranju ponuda su pristupili zamjenski članovi, dok su dalji rad u komisiji nastavili redovni članovi komisije.

U roku za dostavljanje ponuda 26.03.2026. godine do 09:00 sati dostavljene su ponude ponuđača:

1. MIBRAL d.o.o. Sarajevo
2. GP „HELDOVAC“ d.o.o. Žepče
3. Konzorcij BETA-COMPANY d.o.o. Kakanj i NAB d.o.o. Kakanj

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

Dana 26.03.2026. godine u 09:15 sati Komisija je pristupila otvaranju blagovremeno pristiglih ponuda. Otvaranju ponuda je prisustvovao predstavnik ponuđača Konzorcij BETA-COMPANY d.o.o. Kakanj i NAB d.o.o. Kakanj gđa. Fikreta Bjelopoljak.

Zamjenik predsjedavajuće Komisije je pročitao cijene ponuda i to:

Red. br	Ponuđač	Ukupna cijena KM bez PDV-a	Popust
1.	MIBRAL d.o.o. Sarajevo	196.288,66	/
2.	GP „HELDOVAC“ d.o.o. Žepče	195.907,87	/
3.	Konzorcij BETA-COMPANY d.o.o. Kakanj i NAB d.o.o. Kakanj	194.396,45	/

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama („Službeni glasnik BiH”, broj: 39/14, 59/22 i 50/24).

Komisija je prilikom ocjene ponuda konstatovala sljedeće:

Ponuda ponuđača **MIBRAL d.o.o. Sarajevo** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama.

Ponuda ponuđača **GP „HELDOVAC“ d.o.o. Žepče** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama.

Ponuda ponuđača **Konzorcij BETA-COMPANY d.o.o. Kakanj i NAB d.o.o. Kakanj** je prihvatljiva, jer je blagovremena, dostavljena u skladu sa uslovima iz tenderske dokumentacije i

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



računski tačna. Ponuđač je u okviru ponude dostavio dokumentaciju iz člana 45. Zakona o javnim nabavkama za oba člana konzorcija koja je dostavljena u skladu sa tenderskom dokumentacijom. Pregledom i ocjenom dostavljene ponude, konkretno potvrda o uspješnoj realizaciji ugovora dostavljenim na str. 71. do 76., konstatovano je da iz istih nije moguće utvrditi koju vrstu radova i u kojoj vrijednosti je izvršio ponuđač BETA-COMPANY d.o.o. Kakanj i ponuđač NAB d.o.o. Kakanj. Naime, u ponudi su dostavljene Potvrda o uspješnoj realizaciji ugovora broj: 01/2-19-850/26 od 23.03.2026. godine, Potvrda o uspješnoj realizaciji ugovora broj: 01/2-19-849/26 od 23.03.2026. godine i Potvrda o uspješnoj realizaciji ugovora broj: 01/2-19-848/26 od 23.03.2026. godine, na kojima je navedeno da je izvođač Konzorcij: "Beta-Company" d.o.o. Kakanj, "NAB" d.o.o. Kakanj i "Toplota" d.o.o. Zenica. U potvrdama nije precizirano koju vrstu radova i u kojoj vrijednosti je izvršio pojedinačno svaki član konzorcija, zbog čega se ponuda ne može ocijeniti bez pojašnjenja dostavljenih potvrda jer član konzorcija iz naprijed navedenih potvrda "Toplota" d.o.o. Zenica nije član konzorcija u postupku javne nabavke koji provodi ugovorni organ Grad Visoko i za koji je dostavljena Ponuda broj: 1-23/26 od 21.03.2026. godine.

Zbog navedenog, ponuđaču je upućen Zahtjev za pojašnjenje potvrda o uspješnoj realizaciji ugovora broj: 09/3-45-1-2455-3/26 od 03.04.2026. godine. Ponuđač je blagovremeno dostavio Pojašnjenje potvrda o uspješnoj realizaciji ugovora broj: 1-08-04/26 od 08.04.2026. godine sa prilogima, koje je kod ugovornog organa zaprimljeno u zatvorenoj koverti pod brojem protokola 44/26 od 09.04.2026. godine. Komisija je prilikom pregleda dostavljenog pojašnjenje i priloga konstatovala da je ponuđač Konzorcij BETA-COMPANY d.o.o. Kakanj i NAB d.o.o. Kakanj ispunio uslov iz tačke 12.2. a) tenderske dokumentacije, jer je dokazao da su BETA-COMPANY d.o.o. Kakanj i NAB d.o.o. Kakanj u realizaciji predmetnih ugovora za koje je ponuđač dostavio potvrde o uspješnoj realizaciji ugovora na str. 71. do 76. ponude, učestvovali u realizaciji ugovora na izvođenju radova na izgradnji rezervoara u traženoj vrijednosti.

Ugovorni organ je zakazao e-aukciju za 15.04.2026. godine u 11:00 sati.

Dana 15.04.2026. godine Komisija imenovana Rješenjem broj: 09/3-45-1-2455-1/26 od 04.03.2026. godine, u sastavu:

1. Adna Smajić, predsjedavajuća
2. Elma Ganić, član
3. Emir Bukurević, član
4. Abas Avdagić, sekretar,

sastala se i pristupila uvidu u izvještaj o toku i završetku e-aukcije.

Komisija je konstatovala sljedeće: U toku e-aukcije koja je započela dana 15.04.2026.godine u 11:00 sati, a završila istog dana u 12:40 sati došlo je do promjene cijena, te je najpovoljniji ponuđač nakon završene e-aukcije GP „HELDOVAC“ d.o.o. Žepče sa cijenom ponude u iznosu od 152.999,99 KM bez PDV-a.

Komisija je predložila donošenje odluke o izboru najpovoljnijeg ponuđača: GP „HELDOVAC“ d.o.o. Žepče sa cijenom ponude u iznosu od 152.999,99 KM bez PDV-a.

U skladu sa navedenim i prijedlogom Komisije odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže Ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Ako u roku za izjavljivanje žalbe nije dostavljen dokaz iz člana 105. stav (1) tačka i) Zakona o javnim nabavkama o plaćenju naknadi za pokretanje žalbenog postupka, u iznosu propisanom

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žalioaca na dopunu ili ispravku. Na ovaj zaključak ugovornog organa žalilac nema pravo žalbe URŽ-u i on je konačan. Protiv ovog zaključka žalilac može pokrenuti upravni spor pred Sudom BiH u roku od 30 dana od dana prijema. Tužba za pokretanje upravnog spora ne odgađa izvršenje pobijanog zaključka, ako Sud BiH ne odluči drugačije.

Dokaz iz člana 105. stav (1) tačka i) o plaćenju naknadi za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja dokaz o uplati i kopiju bankovnog izvoda računa sa kojeg je izvršeno plaćanje.

Ako je uplata naknade za pokretanje žalbenog postupka izvršena iz inostranstva uplatilac je uz dokaz o uplati dužan dostaviti i SWIFT kao dokaz o uplati.

Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23 i 61/24) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH.

Naknada za pokretanje žalbenog postupka propisana članom 108. Zakona o javnim nabavkama ("Službeni glasnik BiH" br: 39/14, 59/22, 50/24) uplaćuje se na jedan od navedenih računa i prema sljedećoj instrukciji:

Depozitni račun broj: 3380002210018390 (UniCredit Banka d.d. Mostar),

Depozitni račun broj: 5517902220404858 (UniCredit Banka a.d. Banja Luka),

Depozitni račun broj: 5556000060067744 (Nova Banka a.d. Banja Luka) i

Depozitni račun broj: 1341021020000276 (Asa banka d.d. Sarajevo)

Polja koja se odnose na uplate javnih prihoda moraju biti popunjena na sljedeći način:

1. Broj poreskog obveznika treba da sadrži jedinstveni matični broj građanina, ukoliko uplatu vrši fizičko lice. Ukoliko uplatu vrši pravno lice treba da sadrži trinaestocifreni identifikacioni broj pravnog lica;
2. Vrsta uplate za svaku uplatu treba biti '0';
3. Vrsta prihoda: 722 586 (Naknada za pokretanje žalbenog postupka );
4. Opština treba da sadrži šifru opštine prebivališta tj. sjedišta uplatioca;
5. Poreski period treba da odgovara datumu uplate;
6. Budžetska organizacija: 0405999 ;
7. Poziv na broj treba popuniti brojevima '0'.

**Dostavljeno:**

1. MIBRAL d.o.o. Sarajevo,
2. GP „HELDOVAC“ d.o.o. Žepče,
3. Konzorcij BETA-COMPANY d.o.o. Kakanj  
i NAB d.o.o. Kakanj,
4. Evidencija,
5. a/a.-

GRADONAČELNIK

mr.sc./Mirza Ganić dipl.ing.

